

يهتف إبسايع سمه وحي الجليل

يا وسافه إعليك يا حامي الدخيل

يا علي يا جامع إعلوم الكتاب
رحت و إعليك العرش ناصب مصاب

إشلون صار امن الدمه الشيبك خضاب
يا من إبكل الفضل ما لك مثيل

بعد مثلك ما يصح طول الدهر
راسك إبسيف الغدر وسفه إنطبر

يا إخو المختار يا رمز الفخر
و إعله شيبك يا علي دمك يسيل

يا علي إظلمت الدنيه إبغيبتك
فزعت إتودعك يحيدر شيعتك

و المساجد و المنابر فقدتك
و الوداع إويك مو هين طويل

إتصيح إبونيه الليل إجينه إنودعه
اليوم بينه حلت أكبر فاجعه

بالمناحه و الدموع إنشيعه
إصواب حيدر صاب من عدنه الليل

لأجل لو سلم الوالي الأمر
و راح نبقه أيتام بيد أهل الغدر

بعد عينه إنعيش بالذله العمر
و بعد وين يروح مقطوع السبيل

من نودع صاحب الحمله علي
و نوقع بأيد الأشرار و ننولي

بالهضم و الظلم و الهم نبتلي
راح البحوالنه جان الكفيل